

licher vnd vnruhiger lufft: Also daß darin viel Donner/Blitz/groß vngewitter/ Sturmwinde/ regen vnd Platzregen sich erregen werden/ wie im speciall gewitter drunten im 5 Capittel mit mehrern angedeutet wird. Der liebe Gott erhalte die Feldfruchte vnd behüte für schädliche Brunst vnd anzündung so woll der Wälder/ als Heuser.

Das vierdte Capittel/vom Herbst.

Das vierdte part ober Quartall des Jahrs / nemlich der Herbst nimpt seinen anfang mit dem *Aequinoctio Autumnali*, wenn zum andern mahl im Jahr Tag vnd Nacht mit Zwölff Stunden gleich seyn: Welches den geschicht mit dem eingange der ☉ in den erstē punct der Himlischen Wage/ vnd zwar in diesem Jahr den 12 (22) Septemb. zu Stargard in Pomern 5 min. nach 5 vhr nach Mittag/ wenn in vnser Ost linea 25 gr. 55 min. ☿ auffgehen/ vnd im Meridian Circel 17 gr. 21 min. ♀ stehen. Zu Danzig geschicht dieser eintritt 1 viert. 8 min. nach 5 vhr nach Mittag den 22 Sept. New Calen. zu welcher zeit über ihren Horizont auffsteigen 5 gr. 15 min. ♄ / vnd im Meridiano Circulo gefunden werden 21 gr. 31 min. des Schützens. Zu dieser zeit stehet die ☉ noch neben allen andern Planeten oben der Erden/ vñ schicket sich die liebe Sonn im siebenden Hause in signo intercepto ♄ mit ihren Trabanten vnd getrewen geferten ♀ vnd ♁ / welche jzt vnter der ☉ stralen vns verborgen seyn im 1 vnd 12 gr. ♄ / zum vntergang. Des ♄ Hertz ist auch mit dem Eintritt der ☉ in ♄ vntergangen. Nach der ☉ vntergang aber lesset sich ♃ (welcher jzt im 19 gr. 23 min. ♀ vor die Spitze des eilfften Hauses stehet/ biß 10 vhr des Abends sehen. Drauff folget der ♃ im eilfften Hause/ welcher jzt zum ersten viertel gelanget/ vnd stehet im 2 gr. 39 min. ♃ / gehet auch vnter bald nach 4 nach Mittag halb 11 vhr. Saturnus vnd Mars stehen vor die Spitze des Ersten Hauses im 24 gr. ☿ beyeinander/ vnd seyn jzt erstlich auffgegangen/ scheinen auch die Nacht hindurch/ biß fast an 3 vhr an den Morgen. Wenn ich mich nun nach dem gewitter dieses Herbstes recht umbsehe befinde ich mehrer theil einen kühlen Frischen vnd Kaltē Herbst/ welcher von Feuchtigkeiten vnd Trucken wird mittelmessig / jedoch dabeneben sehr windig oder Sturmig seyn. So wird auch bißweilen vnlustig gewitter mit einfallen/ also/ daß dieser Herbst mit dem nahmen vnd mit der That herbe seyn werde. Vnd zwar der Anfang dieses Herbsts wird sich alsbalde vnruhig vñ vermehren lassen/ wegen der dreysachen vñ auffeinander folgenden Conjunctionum, ♀ ♁ / ♃ ♄ ☿ ☿ ☉ ♁ / davon mehr bericht vnten im 5 Capittel. Vnd wird auch viel Tumult vñ Kriegliches vnwesen zu befürchten seyn / welches der Himlische Friedefürst Iesus Christus vmb seiner grossen Barmhertzigkeit willen/ neben allem vnglück gendiglich abwenden/ oder ja lindern wolle/ Amen. B ij Das